

Cronfa Gymdeithasol Ewrop Dwyrain Cymru: Adroddiad Gweithredu Blynnyddol 2016

Atodiad 1: Crynodeb i Ddinasyddion

Trosolwg

Mae Cymru'n elwa ar oddeutu €2.4 biliwn o gyllid yr UE drwy bedair Rhaglen y Cronfeydd Strwythurol ar gyfer y cyfnod 2014-2020. Mae hyn yn cynnwys oddeutu €200 miliwn o dan Gronfa Datblygu Rhanbarthol Ewrop Dwyrain Cymru er mwyn helpu i gyflawni twf economaidd drwy hyrwyddo lefelau uchel o gyflogaeth gynaliadwy, gan ddatblygu gweithlu medrus ac ymatebol i Gymru yn awr ac ar gyfer y dyfodol.

Mae'r Rhaglen wedi ei rhannu i bedwar maes blaenoriaeth:

Blaenoriaeth 1: Trechu Tlodi drwy Gyflogaeth Gynaliadwy

Blaenoriaeth 2: Sgiliau Twf

Blaenoriaeth 3: Cyflogaeth a Chyflawniad Pobl Ifanc

Blaenoriaeth 4: Cymorth Technegol

Dyma'r ail Adroddiad Gweithredu Blynnyddol ar gyfer Rhaglen Cronfa Gymdeithasol Ewrop Dwyrain Cymru. Mae'n ymwneud â'r flwyddyn adrodd 2016.


Prif gyflawniadau yn 2016

- Erbyn diwedd 2016 roedd €273 miliwn o gyllid yr UE wedi ei fuddsoddi mewn 19 o brosiectau i gefnogi cyflogaeth a chynyddu sgiliau, gan symbylu cyfanswm o €487 miliwn o fuddsoddiad yn Nwyrain Cymru.
- Llwyddodd Swyddfa Cyllid Ewropeaidd Cymru i gyflawni ei tharged ymrwymo o 60% ym mhob un o'r Rhaglenni er mwyn helpu i sicrhau y gwneir y defnydd gorau o holl gyllid yr UE cyn i'r DU adael yr UE.
- Cefnogwyd mwy na 15,000 o bobl
- Cafodd Swyddfa Cyllid Ewropeaidd Cymru ei dynodi yn Awdurdod Rheoli ac Ardystio y Cronfeydd Strwythurol ar gyfer 2014-2020.

Cynnydd Ariannol

Mae'r siart canlynol yn dangos, fesul Blaenoriaeth, cyfanswm cyllid yr UE sydd wedi ei ddyrannu, faint sydd wedi ei fuddsoddi mewn prosiectau, a faint sydd wedi ei wario gan y prosiectau.

Siart 1: Cyllid yr UE: Cyllideb, Cymeradwywyd a Gwariwyd



Prosiectau a gymeradwywyd hyd at ddiwedd 2016

Mae disgrifiad o'r prosiectau a gymeradwywyd o dan bob Blaenoriaeth Rhaglen ac astudiaethau achos ar gael ar wefan Llywodraeth Cymru www.gov.wales/eu-funding

Blaenoriaeth 1 – Trechu Tlodi drwy Gyflogaeth Gynaliadwy

Erbyn diwedd 2016, roedd 37% o ddyraniad y Flaenoriaeth hon wedi ei ymrwymo i bum prosiect. Parhawyd i wneud cynnydd yn ystod 2016 drwy gymeradwyo estyniadau i brosiectau a oedd eisoes ar y gweill, a rhoi'r gymeradwyaeth gyntaf i gyllid er mwyn targedu'n benodol pobl dduon ac o gefndiroedd lleiafrifol ethnig sy'n ddi-waith ac yn economaidd anweithgar. Er bod y lefelau ymrwymiad, fel cyfran o'r cyllid sydd ar gael, yn is na'r disgwyl yn ystod y cam hwn o'r rhaglen, nid ydynt yn annhebyg i lefelau cylch rhaglen 2007-2013. Er mwyn helpu i wella lefelau ymrwymiad yn y Flaenoriaeth hon, mae Swyddfa Cyllid Ewropeaidd Cymru yn gweithio gyda rhanddeiliaid, yn arbennig awdurdodau lleol, i ddatblygu cynigion ymhellach.

Mae lefelau ymrwymiad, a natur heriol mwy cyffredinol ceisio ennyn diddordeb grwpiau targed mwy anodd eu cyrraedd a marchnad lafur sy'n cynyddu'n gyflym yn adlewyrchu nifer isel y bobl a gefnogwyd erbyn diwedd 2016. Mae hi'n amlwg bod angen ymyraethau mwy dwys a mwy hirdymor ar gyfer y grwpiau mwy anodd eu cyrraedd.

Blaenoriaeth 2: Sgiliau Twf

Erbyn diwedd 2016, roedd 60% o ddyraniad y Flaenoriaeth wedi ei ymrwymo i ddeg prosiect. Cafodd chwe phrosiect eu cymeradwyo yn ystod y flwyddyn, gan gynnwys nifer o brosiectau dan arweiniad y sectorau Addysg Uwch ac Addysg Bellach. Ymysg y rhain roedd Uwchsgilio@Waith yn Ne-ddwyrain Cymru a SEE yn y Gogledd. Dyfarnwyd rhagor o gyllid yr UE i gynllun Prentisiaethau Llywodraeth Cymru i gefnogi 6,000 o bobl ychwanegol. Roedd prosiect Rhaglen Graddedigion Gwasanaethau Ariannol Cymru yn falch y daeth Comisiynydd o Wasanaethau Ariannol yr UE i ymweld ym mis Mai 2016.

Roedd mwy na 12,000 o bobl wedi cael cefnogaeth gan brosiectau a oedd yn rhan o'r Flaenoriaeth hon, sy'n dangos y cynnydd da a wnaed. Mae'r ffaith bod nifer llai na'r disgwyl o bobl wedi ennill cymwysterau yn adlewyrchu'r problemau a fu o ran hyd y cyrsiau a oedd ar gael a'r flwyddyn academiaidd; mae disgwyl mwy o ganlyniadau felly yn 2017.

Blaenoriaeth 3: Cyflogaeth i Bobl Ifanc

Erbyn diwedd 2016, roedd 76% o ddyraniad y Flaenoriaeth wedi ei ymrwymo i naw prosiect. Gan adeiladau ar y ddau brosiect 'craidd' a gymeradwywyd yn 2015, cafodd chwe phrosiect eu cymeradwyo yn ystod 2016 gan gynnwys prosiectau gan Lywodraeth Cymru megis Ysbrydoli i Weithio, TRAC 11-24 a Chymru Iach ar Waith (Gwasanaeth Di-waith; 16-24).

Gwnaed cynnydd sylweddol o ran lleihau nifer y bobl nad ydyn nhw mewn addysg, gwaith na hyfforddiant, wrth i fwy na 3,000 o bobl ifanc gael cefnogaeth erbyn diwedd 2016. Mae data rhagolygol ynglŷn â phrosiectau cymeradwy yn parhau i fod

yn uchel a dylai hyn alluogi prosiectau newydd i ganolbwyntio ar feysydd arbenigol a materion penodol.

Mae targedu pobl sydd mewn perygl o fod yn unigolion nad ydynt mewn addysg, gwaith na hyfforddiant yn faes gwaith newydd ac arloesol. Bydd y prosiectau ymyrraeth gynnar hyn dan arweiniad Awdurdodau Lleol yn cefnogi rhai o'r bobl ifanc mwyaf agored i niwed yn y system addysg. Mae arwyddion cynnar yn dangos y gwneir cynnydd da i fynd i'r afael ag anghenion cymhleth y bobl ifanc hyn.

Blaenoriaeth 4: Cymorth Technegol

Erbyn diwedd 2016 roedd mwy nag 81% o ddyraniad y Flaenoriaeth hon wedi ei ymrwymo i bum prosiect. Roedd hyn yn cynnwys cymeradwyo'r pedwar 'Tîm Ymgysylltu Rhanbarthol' (Gogledd Cymru, Canolbarth Cymru, **Bae Abertawe** a De-ddwyrain Cymru) er mwyn helpu i gefnogi agweddau rheoli a darparu'r Rhaglen drwy sicrhau darpariaeth ranbarthol integredig a mwy o flaenoriaethu economaidd mewn cysylltiad â'r prosiectau. Mae'r Tîmau Ymgysylltu Rhanbarthol hefyd yn gweithio gyda'r Partneriaethau Sgiliau Rhanbarthol i brawfesur ac ymgysylltu â phrosiectau Cronfa Datblygu Rhanbarthol Ewrop yn ranbarthol. Tua diwedd 2016 cymeradwywyd prosiect Cymorth Technegol WEFO hefyd er mwyn helpu i reoli gweithrediad y rhaglen yn llwyddiannus.